

堤修塌

後漢書及玉海皆作王吳御覽引此云語景與將作謁者王吳治渠築堤防修塌起

自榮

起自榮陽東至千乘海口千有餘里景乃商

度地勢鑿山開澗防遏衝要疏決壅積十里一水

門更相洄注無復潰漏之患明年渠成帝親巡行

詔濱河郡國置河堤員吏如西京舊制景由是顯

名王昊脫一及字諸從事者皆增秩一等順帝陽嘉中

又自汴口以東緣宋本作緣河積石為堰河宋本無通

淮古疑作古淮口咸曰金堤靈帝建寧中又增修石門

以遏淮口水盛則通注津耗則輟流御覽載水經注云又自汴

河口以東緣河積石為堰通淮曰金堤靈帝建寧中又增修石門以遏渠口

河水又東北逕卷之扈亭北

春秋左傳曰文公七年晉趙盾與諸侯盟于扈竹

書紀年晉出公二十二年河絕於扈即於是也

河水又東逕八激堤北

漢安帝永初七年令謁者太山于岑於石門東積


石八所皆如小山以捍衝波謂之八激堤

河水又東逕卷縣北

晉楚之戰晉軍爭濟舟中之指可掬楚莊祀河告

成而還即是處也

河水又東北逕赤岸固北而東北注之又東北過武



德縣東沁水從之

河水自武德縣漢獻帝延康元年封曹叡為國即魏明帝也

東至酸棗縣西濮水東出焉

漢興三十有九年孝文時河決酸棗東潰金堤大發卒塞之故班固云文堙棗野武作瓠歌謂斷此口也今無水

河水又東北通謂之延津

石勒之襲劉曜途出于此以河水泮為神靈之助號是處為靈昌津昔澹臺子羽齋千金之璧渡河

陽侯波起兩蛟挾舟子羽曰吾可以義求不可以

威却當作切操劍斬蛟蛟死波休乃投璧於河三投

而輒躍出乃毀壁而去示無恠意趙建武中造浮

橋於津上採石為中濟石無大小下輒流去用功

百萬經年不就石虎親閱作工沈璧于河明日璧


流渚上波蕩上岸遂斬匠而還事見十六國春秋後趙錄建武十年

河水又東燕縣故城北則有濟水自北來注之

河水於是有棘津之名亦謂之濟津故南津也春

秋僖公二十一年晉將伐曹曹在縣東假道于衛

衛人不許還自南河即此濟也宋本作濟即此也孫云按左傳僖公



水經注

卷五

十

二百八十五


二十八年春晉侯將伐曹假道于衛衛人弗許還自南河濟注云曹在衛東故從衛借道於是亦有棘津之名晉伐陸渾亦於此渡宋元嘉年遣輔國將軍蕭斌率寧朔將軍王玄謨北入宣威將軍桓護之以水軍守石濟即此處也河水又東淇水入焉又東逕遮害亭南

漢書溝洫志曰在淇水口東十八里有金隄隄高一丈自淇口東地稍下隄稍高至遮害亭四五丈又有宿胥口舊河水北入也

河水又東右逕滑臺城有三重中小城謂之滑臺城舊傳滑臺人自修築

石下脫一將字

此城因以名焉城即故鄭廩延邑也下有延津春秋傳曰孔悝為蒯瞶所逐載伯姬于平陽行于延津是也廩延南故城即衛之平陽亭也今時人謂此津為延壽津宋元嘉中右軍到彥之留建威將軍朱修之守此城魏軍南伐修之執節不下其母悲憂一旦乳汁驚出母乃號踊告家人曰我年老非有乳時今忽如此吾兒必沒矣修之絕援果以其日陷沒城故東郡治續漢書曰延熹九年濟陰東郡濟北平原河水清襄楷上疏曰孫云平原當作平原襄楷詳後漢書春秋注記未有河清而今有之易乾鑿度曰




疑有脫誤


上天將降嘉應河水先清京房易傳曰河水清天下平天垂翼地吐妖民厲疾三者並作而有河清春秋麟不當見而見孔子書以為異河者諸侯之相宋本作諸侯之象清者陽明之徵豈獨諸侯有窺京師也明年宮車晏駕徵解瀆侯為漢嗣是為靈帝建寧四年二月河水又清也

又東北過黎陽縣南

黎侯國也詩式微黎侯寓于衛是也晉灼曰黎山在其南河水逕其東其山上碑云縣取山之名取水之陽以為名也王莽之魏丞也今黎山之東北

故城蓋黎陽縣之故城也山在城西城憑山為基東岨為河故劉楨黎陽山賦曰南蔭黃河左覆金城青壇承祀高碑頌靈昔慕容玄明自鄴率眾南徙滑臺既無舟楫將保黎陽昏而流澌冰合於夜中濟訖旦而冰泮燕民謂是處為天橋津東岸有故城峻帶長河戴延之謂之逮明壘周二十里言逮明石勒十八騎中城因名焉郭緣生曰城袁紹時築皆非也余按竹書紀年梁惠成王十三年鄭釐侯使許息來致地平丘戶牖首垣諸邑及鄭駟地我取枳道與鄭鹿鄭鹿即是城也今城內有故






臺尚謂之鹿鳴臺又謂之鹿鳴城王玄謨自滑臺
 走鹿鳴者也濟取名焉故亦曰鹿鳴津又曰白馬
 濟津之東南有白馬城衛文公東徙渡河都之故
 濟取名焉袁紹遣顏良攻東郡太守劉延於白馬
 關羽為曹公斬良以報効即此處是也白馬有韋
 鄉韋城故津亦有韋津之稱史記所謂脩武下武
 渡韋津者也河水舊於白馬縣南決當作通濮濟
 黃溝故蘇代說燕曰決白馬之口魏無黃濟陽竹
 書紀年梁惠成王十二年楚師出河水謝朓申云
宋本作楚以水長垣之外者也金堤既建故渠水斷尚

水字疑

疑有脫誤

謂之白馬瀆故瀆東逕鹿鳴城南又東北逕白馬
 縣之涼城北耆舊傳云耆舊二字疑東郡白馬縣之
 神馬亭實中層峙南北二百步東西五十許步狀
 丘斬城也自外耕耘墾斫削落平盡正南有陔躔
 陞上方軌是由西南側城有神馬寺樹木脩整西
 去白馬津可二十許里東南距白馬縣故城可五
 十里疑即開山圖之所謂白馬山也山下常有白
 馬羣行悲鳴則河決馳走則山崩注云山在鄭故
 此鄭也所未詳劉澄之云有白馬塞孟達登之長
 歎可謂於川土踈妄矣亭上舊曰置源城縣治此

此疑作北



白馬瀆又東南逕濮陽縣散入濮水所在決會更相通注以成往復也

河水自津東北逕涼城縣

河北有般祠孟氏記云祠宋本有河中積石為基

河水漲盛恒與水齊戴氏西征記曰今見祠在東岸臨河累石為壁其屋宇容身而已殊似無靈不如孟氏所記將恐言之過也

河水又東北逕伍子胥廟南

子胥何以得祠于此疑

祠在北岸頓丘郡界臨側長河廟前有碑魏青龍三年立

河水又東北為長壽津

述征記曰涼城到長壽津六十里河之故瀆出焉漢書溝洫志曰河之為中國害尤甚故導河自積石歷龍門二渠以引河一則潔川宋本作一則則今所流也一則北瀆王莽時空一作塞故世俗名是瀆為王莽河也

故瀆東北逕戚城西

春秋哀公二年晉趙鞅率師納衛太子蒯聩于戚宵迷陽虎曰右河而南必至焉今須立須立當衛國縣西戚亭是也為衛之河上邑漢高帝十二年

封將軍李必為侯國矣

故瀆又逕繁陽縣故城東

史記趙將廉頗伐魏繁陽者也

北逕陰安縣故城西

漢武帝元朔五年封衛不疑為侯國

故瀆又東北逕昌樂縣故城東

地理志東郡之屬縣也漢宣帝封王稚君為侯國

故瀆又東北逕平邑郭西

竹書紀年晉烈公四年趙城平邑五年田公子居

思伐趙鄙圍平邑十年齊田汾及邯鄲韓舉戰于

平邑邯鄲之帥敗遂獲韓舉取平邑新城今竹書紀年烈

公八年趙城平邑十一年田公子居思伐邯鄲圍平邑十六年齊田汾及邯鄲韓舉戰于平邑邯鄲

之師敗逃

又東北逕元城縣故縣西北而至沙丘堰

史記曰魏武侯公子元食邑於此故縣氏焉元食

邑於此出漢地志應劭注非史記也疑字誤郭東有五鹿墟墟之在左


右多陷城公羊曰襲邑也說曰襲陷矣郡國志曰

五鹿墟故沙鹿有沙亭周穆王喪盛姬東征舍於

五鹿其女叔姪屈此思哭是曰女姪之丘為沙鹿

之異名也春秋左傳僖公十四年沙鹿崩晉史卜

在字疑衍




之曰陰為陽雄土火相乘故有沙鹿崩後六百四十五年宜有聖女興其齊田乎後王翁孺自齊徙元城正直其地日月當之王氏為舜後土也漢火也王禁生政君其母夢見月入懷年十八詔入太子宮生成帝為元后漢祚道涪道涪字誤當作中涪謝云按宋本作涪四世稱制故曰火土相乘而為雄也及崩大夫楊雄作誄曰太陰之精沙鹿之靈作合於漢既元生成者也漢獻帝建安中袁紹與曹操相襲於官渡紹逼大司農鄭玄載病隨軍屈此而卒郡守已下受業者衰經赴者千餘人玄注五經識緯候歷

天文經通於世故范曄贊曰孔書遂明漢章中輟當作輟矣縣北有沙丘堰者不遵其道曰降亦曰潰堰障水也

至于大陸北播于九河

風俗通曰河播也播為九河自此始也禹貢兗州九河既道矣謂徒駭太史馬頰覆釜胡蘇簡潔勾盤鬲津也同為逆河鄭玄曰下尾合曰逆河言相承受矣蓋所潤下之勢以通河海及齊桓霸世塞廣田居同為一河左傳疏云大陸以北播為九河以次而東尚書中候云齊桓之霸過入流以自廣故自堰以北館陶瘦陶貝丘鬲般廣光



北三入枝朱謀
據漢書改北
忘八枝

水經注卷五

信都東光河間樂成以東城地並存川瀆多亡漢世河決金堤南北離其害議者常欲求九河故迹而川之未知其所是以班固云自茲距漢北三入枝者也

河之故瀆自沙丘堰南分屯氏河出焉河水故瀆東北逕發于縣北城西又屈逕其北

王莽之所謂戢楯矣漢武帝以大將軍衛青破左

賢王功封其子登為侯國漢書曰大將軍青獲匈奴王十有餘人乃封青

子仇為宜春侯子不疑為陰安侯登為發干侯

大河故瀆又東逕貝丘縣故城南

應劭曰左氏齊襄公田于貝丘是也余按京相璠

杜預並言在博昌即司馬彪郡國志所謂貝中聚

者也應注於此事近違矣

大河故瀆又東逕甘陵縣故城南埤云甘陵屬清河郡

地理志之所謂厝也王莽改曰厝治者也漢安帝

父孝德皇以太子被廢為王薨於此乃葬其地尊

陵曰甘陵按後漢書安帝者肅宗孫也父清河孝

元年追尊皇考清河孝王曰孝德皇皇妣左桓帝

氏曰孝德皇后號孝德所葬之地曰甘陵建和元年改曰甘陵縣亦取名焉是周之甘泉而


地也陵在瀆北丘墳高巨雖中經發壞猶若層陵

水經注卷五

卷五

十一

萬德



古書以已通

矣世謂之唐侯家當作家城曰邑城皆非也昔南陽文叔良以建安中為甘陵丞夜宿水側趙人蘭襄夢求改葬叔良明循水求棺果於水側得棺半許落水叔良顧親舊曰若聞人傳此吾必以為不然遂為移殯齧而去之大河故瀆又東逕艾亭城南又東逕平晉城南今當作城中有浮圖五層上有金露盤題云趙建武八年比釋道龍和上竺浮圖澄樹德勸化與立神廟浮圖以當作壞露盤尚存煒煒有光明大河故瀆又東北逕靈縣故城南王莽之播亭也河瀆於縣別出為鳴犢河河水故瀆

后下疑脫昇字

又東逕郟縣故城東呂后四年以父嬰功封子他龍為侯國孫云史記子他襲王莽更名為善陸功用太中大夫侯


大河故瀆又東逕平原縣故城西而北絕屯氏三瀆北逕繹幕縣故城東北西流逕平原鬲縣故城西地理志曰鬲津也王莽名之曰河平亭故有窮后國也應劭曰鬲偃姓各當作繇後光武建武十三年封建議將軍朱祐為侯國大河故瀆又北逕脩縣故城東又北逕安陵縣西本脩之安陵鄉也地理志風俗記曰脩縣東四十里有安陵縣故縣也又東北至東光縣故城西而

九經注

卷五

十一

四百七十六



北與漳水合一水分

大河故瀆北出為屯氏河逕館陶縣東東北出

漢書溝洫志曰自塞宣防河復北決於館陶縣分

為屯氏河廣深與大河河衍字等成帝之世河決

館陶及東郡金堤上使河堤謁者王延世塞之二

十日堤成前漢志作二十詔以建始五年為河平

元年以延世為光祿大夫是水亦斷屯氏故瀆水

之又東北屯氏別河出焉屯氏別河故瀆又東北

逕信城縣張甲出焉地理志曰張甲河及瀆首受

屯氏別河於信城縣者絕一本張甲河及瀆北絕絕下

有清字河於廣宗縣清分為二瀆左瀆逕廣宗縣故

城西又北逕建始縣故城東田融云趙武帝三字

二十二年立建興治廣宗置建始興德五縣隸焉

左瀆又北逕經城東繚城西又逕南宮縣西北注絳

濱右瀆又東北逕廣宗縣故城南又東北逕界城亭


北又東北逕長樂郡武彊縣故城東

長樂故信都也晉太康五年改從今名

又東北逕廣川縣與水故道合又東北逕廣川縣故

城西又東逕棘津亭南


徐廣曰棘津在廣川司馬彪曰縣北有棘津城呂



尚賣食之困疑在此也。劉澄之云：譙郡鄆縣東北有棘津亭，故邑也。呂尚所困處也。余按春秋左傳：伐巢，克棘，入州來，無津字。杜預春秋釋地，又言棘亭在鄆縣東北，亦不去有津字矣。而竟不知澄之於何而得是說。然天下以棘為名者多，未可咸謂之棘津也。又春秋昭公十四年，晉侯使荀吳帥師涉自棘津，用牲于洛，遂滅陸渾。杜預釋地，闕而不書。服虔曰：棘津，猶孟津也。徐廣晉紀又言石勒自葛陂寇河北，襲汲入向水，於方頭濟。自棘津在東郡河內之間，因融以為即石濟南津也。雖千古

茫昧，理世玄遠，遺文逸句，容或可尋。公途隱顯，方土可驗。司馬遷云：呂望，東海上人也。老而無遇，以釣于當作周文王。又脫一字呂望行年五十，賣食棘津。七十則屠牛朝歌，行年九十，身為帝師。皇甫士安云：欲隱東海之濱，聞文王善養老，故入釣于周。今汲水城亦言有呂望隱居處，起自東海，迄于鄆。雍緣其逕，趣趙魏為密曆之譙，宋事為疏矣。張甲故瀆，又東北至脩縣，東會清河。

十三州志曰：張甲河東北至脩縣，入清漳者也。屯氏別河東枝，津出焉。東逕信成城南，又東逕信陽。



縣故城南清河郡北

魏自清陽徙置也

又東北逕陵鄉南又東北逕東武城縣故城南又東北逕東陽縣故城南

地理志曰王莽更之曰胥陵矣俗人謂之高黎郭

非也應劭曰東武城東北三十里有陽鄉故縣也

又東散絕無復津逕

屯氏別瀆又東北逕清河郡南又東北逕清河故城

西

漢高六年封王吸為侯國地理風俗志曰甘陵郡

東南十七里宋本作十七里有清河故城者世謂之鵠城

也又東北經繹幕縣南分為二瀆

屯氏別河北瀆東逕繹幕縣故城南東邑大河故瀆

又東北逕平原縣枝津北出至安陵縣遂絕

屯氏別河北瀆又東北逕重平縣故城南


應劭曰重合縣西南八十里重平鄉故縣也又

東北逕重合縣故城南又東北逕定縣故城南漢

武帝元朔四年封齊孝王子劉成為侯國地理風

俗記曰饒安縣東南三十里有定城故縣也

屯氏別河北瀆又東入信陽縣今無水又東為咸河



東北流逕陽信縣故城北

地理志渤海之屬縣也東注于海

屯氏別河南瀆自平原東絕大河故瀆又逕平原縣

故城北東北枝津又出東北至安德縣界東會商河

屯氏別河

南瀆又東北于平原界又有枝渠右出至安德縣遂

絕孫云按上下文屯氏別河南瀆當相續

屯氏別河南瀆自平原城北首受大河故瀆東出亦

通謂之篤馬河

即地理志所謂平原縣有篤馬河東北入海五百

六十里者也

東北逕安德縣故城西又東北逕臨齊城南始始字是注

東齊未賓大魏築城以臨之故城得其名也

又屈逕其城東故瀆廣四十步又東北逕重丘縣故

城西

春秋襄公二十五年秋同盟重丘伐齊故也應劭

曰安德縣北五十里有重丘鄉故縣也

又東北逕西平昌縣故城北

北海有平昌縣故加西漢宣帝元康元年封王長

君為侯國故渠川派東入般縣為般河蓋亦丸河


般河疑即句

水經注

卷五

三

陳文



之一道也。漢書稱公孫瓚破黃巾于般河，即此瀆也。又東為白鹿淵，水南北三百步，東西千餘步，深三丈餘。其水冬清而夏濁，渟而不流，若夏水洪泛，水深五丈，方乃通注般瀆。

又逕般縣故城北。

王莽更之曰分明也。

東逕樂陵縣故城北。

地理志曰：故都尉治。伏琛晏謨言平原邑今分為郡。

又東北逕陽信縣故城南，東北入海。


屯氏河故瀆自別河東逕甘陵之信鄉縣故城南。

地理志曰：順帝更名安平。應劭曰：甘陵西北十七里有信鄉故縣也。

屯氏故瀆又東逕甘陵縣故城北，逕靈縣北，又東北逕鄒縣與鳴犢河故瀆合。上承大河故瀆於靈縣南。地理志曰：河水自靈縣別出為鳴犢河者也。

東北逕靈縣東，東入鄒縣而北合屯氏瀆。

屯氏瀆兼鳴犢之稱也。又東逕鄒縣城北，東北合大河故瀆，謂之口。十三州志曰：鳴犢河東北至修入屯氏，考瀆則不至也。



又東北右過衛國縣南又東北過濮陽縣北瓠子河出焉河水東逕鐵丘南

春秋左氏傳哀公二年鄭罕達帥師郵無恤御簡

子衛太子為右登鐵丘望見鄭師衛太子自投車

下即此處也京相璠曰鐵丘名也杜預曰在戚南

河之北岸有目城後漢志目城戚邑也有子路冢

河北有竿城舊不在河之西岸有竿城吳作河北非郡國

志曰衛縣有竿城者也河南有龍淵宮武帝元光

中河決濮陽汜郡十六發卒十萬人塞決河起龍

淵宮蓋武帝起宮於決河之傍龍淵之側故曰龍

淵宮也

河水東北流而逕濮陽縣北為濮陽津

故城在南與衛縣分水城北十里有瓠河口有金

隄宣房堰粵在漢世河決金隄涿郡王遵自益州

刺史遷東郡太守河水盛溢泛浸瓠子金隄決壞


遵躬率民吏投沈白馬祈水神河伯親執圭璧請

身填隄廬居其上吏民皆走遵立不動而水波齊

足而止公私壯其勇節

河水又東北逕衛國縣南東為郭口津河水又東逕

鄆城縣北一作國名



詳矣

河水又東北逕范縣之秦亭西

春秋經書築臺于秦者也

河水又東北逕委粟津

大河之北即東武陽縣也

左會浮水故瀆

故瀆上承大河於頓丘縣而北出東逕繁陽故城

南故應劭曰縣在繁水之陽張晏曰縣有繁淵春

秋襄公二十年經書公與晉侯齊侯盟于澶淵杜

預曰在頓丘縣南今名繁淵澶淵即繁淵也亦謂


故城在河南一十八里王莽之鄆良也沈州舊治魏武創業始自於此河上之邑最為峻固晉八王故事曰東海王越治鄆城城無故自壞七十餘丈越惡之移治濮陽城南有魏使持節征西將軍太尉方城侯鄧艾廟廟南有艾碑秦建元十二年廣武將軍沈州刺史關內侯安定彭超立河之南岸有新城宋寧朔將軍王玄謨前鋒入河所築也北岸有新臺鴻基層廣高數丈衛宣公所築新臺矣詩齊姜所賦也為廬關津臺東有小城崎嶇頽側臺枕河俗謂之底閣城疑故關津都尉治也所未

水經注

卷五

二十五

三百四



之浮水焉昔魏徙大梁趙以中牟易魏故志曰趙南至浮水繁陽即是瀆也

故瀆東絕大河故瀆東逕五鹿之野

晉文公受塊於野人即此處矣京相璠曰今衛國縣西北三十里有五鹿地今屬頓丘縣

浮水故瀆又東南逕國邑

城北故衛公國也漢光武以封周後也

又東逕衛國縣故城南古斟觀

應劭曰夏有觀扈即此城也竹書紀年梁惠成王二年齊田壽率師伐趙圍觀觀降

左傳曰夏有觀扈謂五觀及有觀

浮水故瀆又東逕河牧城而東北出

郡國志曰衛說故觀國姚姓有河牧城


又東北入東武陽縣東入河又有漯水出焉

戴延之謂之武陽也地理志曰漯水出東郡武陽縣今漯水上承河水於武陽縣東南西北逕武陽

新城東曹操為東郡所治也引水自東門石竇北注于堂池池南故基尚存中城內又十立石甚大

城西門名水井門內曲中水井猶存門外有故臺號武陽臺匝臺亦有隅雉遺迹

十字疑



河水又東逕武陽縣東范縣西而東北流也又東北
逕東阿縣北河水於范縣東北流為倉亭津

述征記曰倉亭津在范縣界去東阿六十里魏土
地記曰津在武陽縣東北七十里津河濟名也
河水又歷柯澤

春秋左傳襄公十四年衛孫文子敗公徒於柯澤
者也今左傳作阿澤杜預云東阿西南有大澤

逕東阿縣故城西而東北出流注孫云此下疑有鄧里渠三字
河水枝津東出謂之鄧里渠也

又東北過在平縣西河自鄧里渠東北逕昌鄉亭北

逕稿礮城西

述征記曰礮礮克家云礮礮當作稿礮津名也自黃河泛舟


而渡者皆為津也其城臨水西南崩于河宋元嘉
二十七年以王玄謨為寧朔將軍前鋒入河平礮


礮守之都督劉義恭以沙城不堪脫守召玄謨令
毀城而還後登城之魏立濟州治此也王海引此作後更城

之魏置鎮守名濟州關河水衝其西南隅又崩于河即故在

平縣也應劭曰在山名也縣在山之平陸故曰在
平也王莽之功崇矣經曰大河在其西鄧里渠歷

其東即斯邑也昔石勒之隸師權屯耕於在平聞





鼓角鞞鐸之聲於是縣也

十六國春秋云石勒年二十餘為并州刺史河

馬騰所執枷送冀州賣克軍賞東至平原賣與荏平人師權為奴每屯耕於野常聞鞞鐸音勒以告諸奴諸奴奔聞之而與柳城分河

河水又與鄧里渠水上承大河於東阿縣西東逕東阿縣故城北

故衛邑也應仲瑗曰有西故稱東魏封曹雄為侯

國按魏志曹植自雍王徙封東阿大城北門內王非侯國也宗室中亦無曹雄

西側阜上有大井其巨若輪深六七丈歲嘗煮膠

以貢天府本草所謂阿膠也故世俗有阿井之名

縣出佳繒縑故史記云秦昭王服太阿之劍阿編

之衣也

又東北逕臨邑縣與將渠合又北逕茌平縣東臨邑

縣故城西北流入於河河水又東北流逕四瀆津

津西側岸臨河有四瀆祠東對四瀆口河水東分

濟亦曰沛水孫云沛水當作沛水受河也然滎口水右斷門

不通始自是出東北流逕九里與清水合放沛瀆


也自河入濟自沛入淮自淮達江水徑周通故有

四瀆之名也昔趙殺鳴犢仲尼臨河而歎自是而

返曰丘之不濟命也夫史記孔子去衛將西見趙簡子至於河聞竇鳴犢

琴華之死也臨河而歎索隱曰家語云聞趙簡子琴殺竇犢鳴犢及舜華國語云鳴鐸竇犢字鳴犢

疑有脫文



操以為孔子臨狄水而歌云狄水衍兮風揚波船
楫顛倒更相加余按臨濟故狄也是濟所逕也得
其通稱河水又逕楊墟縣之故城東俗猶謂是城
曰陽城矣河水又逕在平城東城內有故臺世謂
之時平城非也蓋在時音相近耳黃本吳本有疑從縣也四字
又東北過高唐縣界

河水於縣
水注之字疑
是經文

河水於縣潔水注之水自城東北逕東武陽縣故
城南應劭曰縣在武水之陽王莽之武昌也然則
潔水亦或武水也臧洪為東郡太守治此曹操圍
張超於雍丘洪以情義請袁紹救之不許洪與紹

邑人上脫洪
字

絕紹圍洪城中無食洪呼吏士曰洪於大義不得
不死諸君無事空受此禍眾泣曰何忍捨明府也
男女八千餘人相枕而死洪不屈紹殺洪邑人陳
容為丞謂曰寧與臧洪同日死不與將軍同日生
紹又殺之士為傷歎今城四周紹圍郭尚存水匝
隍塹於城東北合為一瀆東北出郭逕陽平縣之
岡城西郡國志曰陽平縣有岡城亭逕陽平縣故
城東漢昭帝元平元年封丞相蔡義為侯國潔水
又北絕莘道城之西北有莘亭春秋桓公十年衛
宣公使伋使諸齊令盜待於莘伋壽繼殞於此亭

兩使字有一
誤

京相璠曰今平陽陽平縣北一十里有故莘亭道
 阨限蹊要自衛適齊之道也望新臺於河上感二
 子於宿齡當作風齡詩人乘舟誠可悲矣今縣東有二
 子廟猶謂之孝祠矣漂水又東北逕樂平縣故城
 東縣故清也漢高帝八年封空中於清史記年表云清簡侯
 空中漢功臣表作室中徐廣云一作室中索隱云室中姓也宣帝封許廣少弟
 翁孫于樂平並為侯國王莽之清治矣漢章帝建
 始中更從今名也漂水又北逕聊城縣故城西城
 內有金城周匝有水南門有馳道絕水南出自外
 泛舟而行矣東門側有層臺秀出魯仲連所謂還

高唐之兵卻聊城之衆者也

漂水又東北逕清河縣故城北


地理風俗記曰其陵故清河清河在南一十七里
 今於其陵縣故城東南無城以擬之直東二十里
 有艾亭城東南四十里有此城擬即清河城也後
 蠻居之故世稱蠻城

漂水又東北逕文鄉城東南又東北逕博平縣

故城南有層臺秀上王莽改之曰加睦也

右與黃溝同注川澤

黃溝承聊城郭水水泛則津注水耗則輟流自城



東北出逕清河城南。又東北逕攝城北。春秋所謂聊攝以東也。俗稱郭城非也。城東西三里，南北二里。東西隅有金城，城卑下，墟郭尚存。左右多墳，隴京相璠曰：聊城縣東北三十里有故攝城，今此城西去聊城二十五里許，卽攝城者也。

又東逕文鄉城，又東南逕王城北。魏太常七年，安平王鎮平原，所築世謂之王城。太和二十三年，罷鎮，立平原郡，治此城也。


黃溝又東北逕左，與漯水隱覆，勢鎮河陸。東出於高唐縣，大河右迤東注漯水矣。

桑欽地理志曰：漯水出高唐。余按竹書穆天子傳稱：丁卯天子自五鹿東征，釣於漯水，以祭淑人，是曰祭丘。已巳天子東征，食馬於漯水之上，尋其泔歷，逕趣不得近，出高唐也。桑氏所言蓋津流出次于所間也。俗以是水上承於河，亦謂之源河矣。

漯水又東北逕援縣故城西。王莽之東順亭也。杜預釋地曰：濟南祝阿縣西北有援城。

漯水又逕高唐縣故城東。

昔齊威王使盼子守高唐，趙人不敢漁於河，卽魯



水經注卷之五
仲連子謂田巴曰今楚軍南陽趙伐高唐者也春
秋左傳哀公十年趙鞅帥師伐齊取黎及轅毀高
唐之郭杜預曰轅卽援也祝阿縣西北有高唐城
漂水又東北逕漂陰縣故城北

縣故黎邑也漢武帝元光三年封匈奴降王王莽
更名翼城歷北漂陰城南伏琛謂之漂陽城南有
魏沅州刺史劉岱碑地理風俗記曰平原漂陰縣
今巨漂亭是也

漂水又東北逕著縣故城南又東北逕崔氏城北
春秋左傳襄公二十七年崔成請老崔氏者也杜


預釋地曰濟南東朝陽縣西北有崔氏城


漂水東南逕東朝陽縣故城南

漢高帝六年封都尉華寄為侯國地理風俗記曰
南陽有朝陽縣故加東地理志曰王莽之修治也
漂水又東逕漢徵君伏生墓南

碑碣尚存以明經為秦博士秦坑儒士伏生隱焉
漢興教于齊魯之間文帝撰五經尚書大傳安車
徵之年老不行乃使掌故歐陽生等受尚書於徵
君號曰伏生者也

漂水又東逕鄒平縣故城北





有鄒侯國舜後姚姓也

又東北逕界東鄒城北

地理志曰千乘郡有東鄒縣

漂水又東北逕建信縣故城北

漢高帝七年封嬰敬為侯國應劭曰臨沛縣西北

五十里有建信侯城都尉治故城者也孫云臨沛當作臨沛

漂水又東北逕千乘縣二城間

漢高帝六年以為千乘郡王莽之建信也章帝建

初四年為王國和帝永元七年改為樂安郡故齊

也伏琛曰千乘城齊城西北一百五十里隔會水

即漂水之別名也

又東北為馬常坑玉篇有坑字而勇切云地名也按此注里數則坑是數澤之石

坑東西八十里南北三十里亂河支流而入于海

河海之饒茲焉為最地理風俗記曰漂水東北至

千乘入海河盛則通津委海水耗則微涓絕流書

浮于濟漂亦是水者也

又東北過楊墟縣東商河出焉

地理志曰楊墟平原之隸縣也漢景帝四年以封

齊悼惠王子將廬為侯國也城在高唐城之西南

經次于此是不北也商河首受河亦漂水及澤水

胡身之曰班志無此縣不知道元所謂志者何志也

所潭水也淵而不流世謂之清水自此雖沙漲填塞厥迹尚存歷澤而北俗謂之落里坑逕張公城西又北重源潛發世謂之落里坑亦曰小漳河商漳聲相近故字與讀移耳

商河又北逕平原縣東又逕安德縣故城南又東北逕昌平縣故城南又東逕般縣故城南又東逕樂陵縣故城南

漢宣帝地節四年封侍中史子長為侯國

商河又東逕初鄉縣故城南

高后八年封齊悼惠王子劉辟光為侯國也王莽

更之曰張鄉也應劭曰般縣東南六十里有初鄉城故縣也


沙溝水注之

水南出大河之陽泉源之不合河者二百步其水北流注商河

商河又東北流逕馬嶺城西北而流屈而東注南轉逕城東

城在河曲之中東海王越斬汲桑於是城十六國春秋云

永嘉元年冬并州人田蘭等起兵斬汲桑于樂陵晉載記云石勒奔樂平東海王越追斬汲桑于平原



商河又東北逕富平縣故城北

地理志曰侯國也王莽曰安樂亭應劭曰明帝更名闕駟曰厭次縣本富平矣車騎將軍張安世之封邑非也按漢書昭帝元鳳六年封右將軍張安世為富平侯薨子延壽嗣國在陳留別邑魏郡陳留風俗傳曰陳留尉氏縣安陵鄉故富平縣也是乃安世所食矣歲入租千餘萬延壽自以身無功德何堪久居先人大國上書減戶天子以為有讓徙封平原并食一邑戶口如故而稅減半十三州志曰明帝永平五年改曰厭次矣按史記高祖功


臣侯者年表高帝六年封元頃為侯國徐廣音義曰漢書作侯爰類舊本有是知厭次舊名非始明帝蓋復故耳縣西有東方朔冢側有祠祠有神驗水側有雲城漢武帝元封四年封齊孝王子劉信為侯國也


商河又分為二水南水謂之長聚溝

東流傾注為海溝南海側有蒲臺臺高八丈方二百步三齊略記曰鬲城東南有蒲臺秦始皇東遊海上於臺上璠蒲繫馬至今歲蒲生縈委若有繫狀似水楊可以為箭今東去海三十里

刪下脫一家

為字疑





水經注

卷五

三

六

北水世又謂之白薄瀆

東北流注于海水矣

大河又東北逕高唐縣故城南

春秋左傳襄公十九年齊靈公廢太子光而立公

子牙以夙沙衛為少傅齊侯卒崔杼逆光光立殺

公子牙於句瀆之丘衛奔高唐以叛京相璠曰本

平原縣也魏謝云魏當作齊之西鄙也大河逕其西而不

出其東經言出東誤耳

大河又北逕張公城臨側河湄

魏青州刺史張治此故世謂之張公城水有津焉

治上脫一字

名之曰張公渡

河水又北逕平原縣故城東

地理風俗記曰原博平也故曰平原矣縣故平原

郡治矣漢高帝六年置王莽改曰河平也晉灼曰

齊西有平原河河水北過高唐縣即平原也故經

言河水逕高唐縣東非也按地理志曰高唐平原

也高唐漯水所出平原則篤馬河導焉明平原非

高唐大河不得出其東審矣

大河右溢世謂之甘棗溝

水側多棗故俗取名焉河盛則委之水耗則輟流

疑有脫誤

水經注

卷五

相

故瀆又東北歷長隄逕溫陰縣北

溫陰宋本作瀆陰

東逕著城北東為陂淀淵潭相接世謂之穢野薄

河水又東北逕陽阿縣故城西

漢高帝六年封郎中萬訴為侯國應劭曰溫陰

陰縣東南五十里有陽阿鄉故縣也

又東北過漂陰縣北河水自平原左逕安德城東而

北為鹿角津東北逕般縣樂陵初鄉厭次縣故南厭

次河

漢安帝永初二年劇賊畢毫等數百乘船寇平原

縣令劉雄門下小吏所輔浮舟追至厭次津與賊

合戰並為賊擒求代雄毫縱雄於此津所輔可謂

孝盡愛敬義極君臣矣

河水又逕漂陰縣故城北

一作右逕

王莽之臣武縣也

河水又東北漂沃津

孫云漂沃誤漢志千乘郡有溼沃縣

漂沃縣故城南王莽之延亭者也地理風俗記曰


千乘縣西北五十里有大河河北有漂沃城故縣

也魏改為後部亭今俗遂名之曰右輔城

河水又東逕千乘城北

伏琛之所謂千乘北城者也

或疑漢志因漂
溼字同轉寫而
誤此漂水所在
作溼沃于義無
取也第卷中
中亦作溼沃



又東北過黎城縣北又東北過甲下邑濟水從西來注之又東北入于海

河水又東分爲二水枝津東逕甲下城南東南歷常

流注濟

孫云按上文有馬常坑此流字疑當作坑

經言濟水注河水自枝津東北流逕甲下邑北世

謂之倉子城非也又東北流入于海淮南子曰九

折注爲海而流不絕者崑崙之輸也尚書禹貢曰

夾石碣石入于河山海經曰碣石之山繩水出焉

東流注于河河之入海舊在碣石今川流可導非

禹瀆也周定王五年河徙故瀆故班固曰商碣周

移也又以漢武帝元光二年河又徙東郡更注瀆

海是以漢司空掾王璜言曰往昔天嘗連北風海

水溢西南出侵數百里故張君云碣石在海中蓋


淪於海水也昔燕齊遼曠分置營州今城屆海濱


海水北侵城垂淪半

謝兆申云宋本作城垂淪者半


王璜之言信




而有徵碣石入海非無證矣







國家圖書館, NATIONAL CENTRAL LIBRARY, TAIWAN, R.O.C.










國家圖書館, NATIONAL CENTRAL LIBRARY, TAIWAN, R.O.C.





74
1591017E

國家圖書館, NATIONAL CENTRAL LIBRARY, TAIWAN, R.O.C



經注箋卷第六

漢 桑欽撰 後魏酈道元 注

明 李長庚訂 孫汝澄

朱謀埠箋 李克家全校

汾水 澮水 涑水 文水

原公水 洞渦水 晉水 湛水


汾水出太原汾陽縣北管涔山

山海經曰北次二經之首在河之東其東首枕汾

其名曰管涔之山其上無草木而下多玉汾水出

焉而流注于河孫云按山海經其上無木而多草其下多玉汾水出焉而西流注于

國家圖書館, NATIONAL CENTRAL LIBRARY, TAIWAN, R.O.C.




本屯田承積明
帝時乃欲轉
山東之漕以
資之則為計
左矣

十三州志曰出武州之燕京山亦管涔之異名也其山重阜修巖舊本作修層有草無木泉源道於南麓之下蓋稚水濛流耳又西南夾岸連山聯峯接勢劉淵族子曜嘗隱居於管涔之山夜中忽有二童子入跪曰管涔王使小臣奉謁趙皇帝獻劍一口置前再拜而去以燭視之劍長二尺光澤非常背有銘曰神劍服御除眾毒曜遂服之劍隨時變為五色也後曜遂為胡王矣汾水又南與東西溫谿合水出右近谿聲流翼注水上雜樹交蔭雲垂煙接自是水流潭漲支襄轉泛又南逕一城東憑墉積石側統汾水俗謂之代城城又南出二城間其城角倚翼枕汾流世謂之侯莫干城蓋語出戎方傳呼失實也汾水又南逕汾陽縣故城東川土寬平峘山夷水故地理志汾水出汾陽縣北山西南流者也漢高帝十一年封斬彊為侯國後立屯農積粟在斯謂之羊腸倉山有羊腸坂在晉陽西北石磴縈委若羊腸焉故倉坂取名矣漢永平中治呼沱石曰河按司馬彪後漢郡國志常山南行唐縣有石曰谷蓋資乘據御覽作資承呼沱之水轉山東

之費克家云費疑作漕自都盧至羊腸倉將憑汾水以漕

漕字通慮
注校

注中
此行



以上有脫文。
孩字從後漢
書和憲傳增

太原用實秦晉苦役連年轉運所經凡三百八十

九隘死者無算拜鄧訓為謁者監護水功訓隱括

知其難立後漢書鄧訓傳云訓考具言肅宗肅宗

從之全活數千人和憲鄧后之立叔父以為訓積

善所致也羊腸即此倉也魏土地記曰秀容胡人

徙居之立秀容護軍治東去公水六十里南與酸

水合水源西出少陽之山孫云東南流注于汾水

經曰少陽之山酸水出汾水又南出山東南流洛

陰水注之水出新興郡西流逕洛陰城北又西逕

孟縣故城南春秋左傳昭公二十八年分祚氏七

縣為大夫之邑以孟丙為孟大夫左傳昭公二十八年

為政分祚氏之田以為七縣分羊舌氏之田水又

西逕狼孟縣故城南王莽之狼調也左右夾澗幽

深南面大壑俗謂之狼馬澗舊斷澗為城有南北

門門闔謝云宋本故壁尚在洛陰水又西南逕陽


曲城北魏土地記曰陽曲胡寄居太原界置陽曲


護軍治其水西南流注于汾水汾水又南逕陽曲

城西南注也

東南過晉陽縣東晉水從縣東南流注之

太原郡治晉陽城秦昭襄王三年立尚書所謂既





脩太原者也春秋說題辭曰高平曰太原原端也

平而有度廣延曰廣延當作廣大鹵太原也釋名

曰地不生物曰鹵盧釋名曰鹵盧也穀梁傳曰中

國曰太原夷狄曰太鹵尚書大傳曰東原底平大

而高平者謂之太原郡取稱焉魏土地記曰城東

有汾水南流水東有晉使持節都督并州諸軍事

鎮北將軍太原成王之碑水上舊有梁清游殞於

梁下豫讓死於津側亦襄子解衣之所在也呂氏春秋

云趙襄子游於園中至於梁馬却不進使壽并進視則豫讓佯為死人此壽并曰吾且有事壽并退而自殺史記索隱引占本趙策云襄子使持節與豫讓讓拔劍三躍而擊之衣盡出血汾水

西逕晉陽城南舊有介子推祠前有碑廟宇傾廢

唯單碑獨存矣今文字剝落無可尋也

又南洞渦水從東來注之

汾水又南逕梗陽縣故城東故榆次之梗陽縣也

魏獻子以邑大夫魏戊也京相璠曰梗陽晉邑也

今太原晉陽縣南六十里榆次界有梗陽地汾水


又南即洞渦水會者也

又南過大陵縣東

昔趙武靈王遊大陵夢處女鼓琴而歌想見其人

史記載其賦曰美人煢煢兮願若若之燃乎念之曾無我贏吳庶 孟姚焉

天上有缺文



國字疑

於此縣也。工莽時大寧矣。汾水於縣左迤為
澤。廣雅曰水自汾出為汾陂。其陂東西四里。南北
一十餘里。陂南接鄆。地理志曰九澤在北并州藪
也。呂氏春秋謂之大陸。又名之曰溫。當作洩之澤。
俗謂之鄆城。呂氏春秋九藪吳之具區楚之雲夢
秦之陽華晉之大陸梁之圃田孟諸
齊之海隅趙之鉅鹿燕之大昭周禮云正
北并州其川庫池嘔夷注云嘔夷祁夷也許慎說
文曰馮水出西河中陽縣之西南入河。即此水也。
馮水又會嬰侯之水。山海經稱謁戾之山。嬰侯之
水出于其陰。北流注于汜水。右出汜山。其水殊源。
其合注于嬰侯之水。亂流逕中都縣南。俗又謂之

中都水。侯甲水注之水。發原平縣。

孫按漢地理志
太原郡有原平

縣。胡甲山有長坂。謂之胡甲領。即劉歆遂初賦所

謂越侯甲而長驅者也。蔡邕曰侯甲亦邑名也。在

祁縣。侯甲水又西北歷宜歲郊。逕太谷。謂之太谷

水。出谷西北流。逕祁縣故城南。自縣連延西接鄆

澤。是為祁藪也。即爾雅所為昭餘所矣。賈辛邑也。

辛貌醜。妻不為言。與之如臯射雉。雙中之則笑也。

按左傳昭二十八年賈辛為祁大夫將適其縣見
魏獻子魏子舉叔向適鄭因饜蔑收器一言而善
下執其手曰昔賈大夫娶妻而美三年不言不笑
御以如臯射雉獲之其妻始笑云云今女有力於
王室吾是以舉女行乎敬之哉仲尼詢其命賈辛
也以為醜者自是賈辛也

賈辛不醜
但射雉則
大夫也

王莽之二縣也。又西逕京陵縣故城。王莽更之。

曰致城矣。於春秋為九原之地也。故國語曰：趙文

子與叔向遊於九原，曰：死者若可作也。吾誰與歸？

叔向曰：其陽子乎？文子曰：夫陽子行廉直於晉國，

不免其身，智不足稱，吾其隨會乎？納諫不忘其師

矣。故其京尚存，漢興增陵於其下，故曰京陵焉。甲

水克家云當又西北逕中都縣故城南，臨城際水

湑。春秋昭公二年，晉侯執陳無宇於中都者也。漢

文帝為代王都此。武帝元封四年，上幸中都宮殿

上，見光赦中都死罪以下。甲水又西合為嬰侯之

水。逕鄠縣故城南，晉大夫司馬彌牟之邑也。謂之

鄠水也。俗亦曰慮水。慮馮孫云馮聲相近，故因變

焉。又西北入鄠陂而歸于汾流矣。

又南過平陶縣，東文水從西來流注之。

汾水又南與石桐水合，即綿水也。水出界休縣之


綿山，北流逕石桐寺西，即介子推之祀也。克家云

祀當作祠。昔子推逃晉文公之賞而隱於綿上之山也。晉

文公求之不得，乃封綿為介子推田，曰以志吾過。

且旌善人，因名斯山為介山。故袁崧郡國志曰：界

休縣有介山，有綿上聚子推廟。王肅《衣服要記》曰：



隋經籍志云王莽喪服要記一卷昔魯哀公祖載其父孔子曰

設桂樹乎哀公曰不也桂樹者起於介子推子推

晉之人也文公有內難出國之狄子推隨其行割

肉以續軍糧後文公復國忽忘子推子推奉唱而

歌文公始悟當受爵祿子推奔介山抱木而燒死

國人葬之恐其神魂賈於地賈字脫誤當作賈賈檀弓蒙袂緝履賈賈

然來注云賈賈質目不明貌故作桂樹焉吾父生於宮殿死於枕

席何用桂樹為余案夫子尚非璵璠送葬安能問

桂樹為禮乎王肅此證近於誣矣石桐木又西流

注于汾水又西南逕介休縣故城西王莽更名之

曰介美矣城東有徵士郭林宗宋子浚二碑宋浚

以有道司徒徵林宗縣人脫字也蔡中郎郭有道碑

宗太原界休人也辟司徒舉太尉以疾辭其碑文之疑字

云將蹈洪崖之遐迹紹巢由之逸軌翔區外以舒

翼超一作天路以高峙稟命不融享年四十有三


建寧四年正月丁亥卒凡我四方同好之人永懷

哀痛乃樹碑表墓昭銘景行云陳留蔡伯喈范陽

盧子幹扶風馬日磾等遠來奔喪朋友服心喪暮

當作墓年者如韓子助宋子浚等二十四人其餘門

人著錫章百千數具碑文故蔡伯喈謂盧子幹



日碑曰吾為天下砥文多矣皆有斬谷唯郭有
無愧於色矣汾水之右有左部城側臨汾水蓋劉

淵為晉都尉所築也

又南過寇爵津

一作寇御覽引此作寇爵津

汾津名也在介休縣之西南俗謂之雀鼠谷數十

里間道隘水左右悉結偏梁閣道御覽引此云其間道隘

巖側或去一丈或高六丈

水左右悉結編梁閣道

云云或去水一尺或高五六尺

上戴山阜下臨絕澗俗謂之為暮

當作

般橋蓋通古之津隘又

一作

亦在今之地嶮

也

又南入河東界又南過永安縣西

故彘縣也周厲王流于彘即此城也王莽更名黃

城漢順帝陽嘉三年改曰永安縣霍伯之都也歷

唐城東瓚注漢書云堯所都也東去彘十里汾水

又東與彘水合水出東北太岳山禹貢所謂岳陽

也即霍太山矣上有飛廉

此下脫墓飛廉三字

以善走事紂

惡來

疑脫一字

多力見知周王伐紂兼殺惡來飛廉

先為紂使北方還無所報乃壇於霍太山而致命


焉得石棺銘曰帝令處父不與殷亂賜汝石棺以

葬死遂以

於疑作

霍太山有岳廟

其甚靈鳥



不棲其材。猛虎常守其庭。又有靈泉。以供祭事。詰

動則泉流。聲絕則水竭。湘東陰山縣有侯曇山。有

上當作靈壇。壇前有石井。深數尺。居常無水。及臨

祈禱。則甘泉湧出。周用則已。亦其比也。彘水。又西

流。逕觀阜北。故有宋本有作百詳邑也。原過之。從

襄子也。受竹書於王澤。以告襄子。襄子齋三月。舊本

日親自剖竹。有朱書曰。余霍太山山陽侯天使也。

宋本作天三月丙戌。余將使汝反。滅智氏。女亦立

我於百邑也。史記云襄子齋三日親自剖竹有朱書趙母郵余霍泰山山陽侯天使也

三月丙戌余將使汝反滅知氏女亦立我百邑襄

子拜受三神之命。遂滅智氏。祠三神於百邑。使原

過主之。世謂其處為觀阜也。彘水。又西流。逕永安

縣。故城南。西南流。注于汾水。汾水。又南。逕霍城東。

故霍國也。昔晉獻公滅霍。趙夙為御。霍求公。求公當作

哀公奔齊。晉國大旱。卜之曰。霍太山為祟。使趙夙


召霍君奉祀。晉復穰也。蓋霍求公之故居也。汾水

又逕趙城西南。穆王以封造父。趙氏自此始也。汾

水。又南。霍水入焉。水出霍太山。發源成潭。漲七十

步。而不測其深。西南逕趙城南。西流。注于汾水。

又南過楊縣水



高林云左傳昭二十八年僚妻為楊氏大夫此特稱公去二字耳

閭水

克家云疑作澗水

東出穀遠縣

前漢地有穀遠縣云上黨郡

山世靡谷沁水所出宋本作穀遂誤也

西山西南逕楊縣霍山南又

西逕故城北晉大夫僚公去安之邑也

郡國志云河東郡楊

縣有高梁亭晉羊舌大夫叔向未詳應劭曰故楊侯國

王莽更名有年亭也其水西流入于汾水汾水逕

楊城西不於東矣魏土地記曰平楊孫云當平陽郡治

楊縣郡西有汾水南流者是也

西南過高梁邑西

黑水出黑山西逕楊城南又西與巢山水會山海

經曰牛首之山勞水出焉西流注于滴水疑是水

也滴水即巢山之水也水源東南出巢山東谷北

逕浮山東又西北流與勞水合亂流西北逕高梁

城北西流入于汾水又南逕高梁故城西故高梁

之墟也春秋僖公二十四年秦穆公納公子重耳

於晉害懷公於此竹書紀年晉出公三十年今竹書作


二十年智伯瑤城高梁漢高帝十二年以為侯國封


恭侯酈介於斯邑也

又南過平陽縣東

汾水又南逕白馬城西魏刑白馬而築之故世謂

之白馬城今平陽郡治汾水又南逕平陽縣故城





東晉大夫趙鼂之故邑也

左傳昭二十八年晉分祁氏羊舌氏之田趙朝

為平陽大夫

應劭曰縣在平河之陽堯舜竝都之也竹

書紀年晉烈公元年韓武子都平陽漢昭帝封度

遼將軍范明友為侯國王莽之香平也晉立平陽

郡治此矣水側有堯廟前有碑魏土地記曰平陽

城東十里汾水東原上有小臺臺上有堯神屋石

碑永嘉三年劉淵徙平陽於汾水得白玉印方四

寸高二寸二分龍紐其文曰有新寶之印王莽所

造也淵以為天授改承鳳二年為河瑞元年汾水

南與平陽合水出平陽西壺口山尚書所謂壺口

其文猶作五
汾水南與平陽
合亭林云平陽

治梁及岐也其水東逕狐谷亭北春秋時狄侵晉

取狐厨者也又東逕平陽城南東入汾俗以為晉

水非也汾水又南歷襄陵縣故城西晉大夫卻犢

之邑也故其地有犢氏鄉亭矣縣蓋即陵以名世

也王莽改名曰幹昌也

又南過臨汾縣東


天井水出東陘山西南北有長嶺嶺上東西有通

道即鉏蹬也穆天子傳曰乙酉天子西絕鉏蹬西

南至鹽是也

穆天子傳登字作蹬鉏字其水三泉

奇發西北流總成一川西逕堯城南又西南入汾



又屈從縣南西流

汾水又經絳縣故城北竹書紀年梁武王

梁武王字誤當

作梁惠二十五年絳中地坼西絕於汾汾水西逕

虓祁宮北橫水有故梁截汾水中凡有三十柱柱

徑五尺裁與水平蓋晉平公之故梁也物在水故

能持久而不敗也又西逕魏正平郡南故東州治

大和中皇都徙洛罷州立郡矣又西逕正

一作橋

澮水入焉

又西過長修縣南

汾水又西與古水合出臨汾縣故城西黃阜下其

大若輪西南流故橫溝出焉東注于汾今無水又

西南逕魏正平郡北又西逕荀城東古荀國也汲

郡古文晉武公滅荀以賜大夫原氏也古水又西

南入于汾汾水又西南逕長修縣故城南漢高帝

十一年以為侯國封莊恬也有修水出縣南而西

南流入汾汾水又西逕清原城北故清陽亭也城

北有清原晉侯蒐清原作三軍處也汾水又逕冀

亭南昔曰季使過冀野見郤缺耨其妻饁之相敬

如賓言之文公文公命之為卿復與之冀京相璠

曰今河東皮氏縣有冀亭古之冀國所都也杜預

澮水西至王
橋注於汾水
經見後

亭林云鄧當
作鄧顏師古
曰鄧與蔡同
亦作蔡漢書
儀作蔡上宋
史鎮王元履
傳上登鄧正
亭是也從邑
琴聲從云留
作登亦從音
作琴

釋地曰平陽皮氏縣東北有冀亭即此亭也汾水

又西與華水合水出北山華谷西南流逕一作于

故城西俗謂之梗陽城非也梗陽在榆次在此非

宋本作案故漢上谷長史侯相碑云侯氏出自倉

頡之後踰殷立周克家云疑各以氏分或著楚魏

或顯齊秦晉卿士薦斯其裔一作也食采宋本華

陽今蒲坂北亭地當作即是城也其水西南流注

于汾汾水又逕稷山北在水南四十許里山東西

二十里南北三十里高十三里西去介山一十五

里山上有稷祠山下稷亭春秋宣公十五年秦桓

公治兵于稷以略狄土是也孫云按左傳秦桓公

以略狄土

又西過皮氏縣南

汾水西逕鄧丘北故漢氏之方澤也賈逵云漢法

三年祭地汾陰方澤澤中有方丘故謂之方澤丘


即鄧丘也許慎說文稱從邑發當作聲河東臨汾

地名矣在介山北山即汾山也其山特立周七十

里高三十里脫一穎言在皮氏縣東南側可三十

里乃非也今準此山可高十餘里山上有神廟廟

側有靈泉祈祭之日周而不耗世亦謂之子推祠





楊雄河東賦曰靈輿安步周流容與以覽于介山
 嗟文公而愍推兮勤大禹於龍門晉太康記及地
 道記與永初記並言子推所逃隱於是山即實非
 也余按介推所隱者綿山也文公環而封之為介
 推田號其山為介山杜預曰在西河介休縣者是
 也汾水又西逕耿鄉城北故殷都也帝祖乙自相
 徙此為河所毀故書敘曰祖乙圮于耿杜預曰平
 陽皮氏縣東南耿鄉是也盤庚以耿在河北迫近
 山川乃自耿遷亳後晉獻公滅之以封趙夙後襄
 子與韓魏分晉韓康子居平陽魏桓子都安邑號

為三晉此其一也漢武帝行幸河東濟汾河作秋
 風辭於斯水之上汾水又西逕皮氏縣南竹書紀
 年魏襄王十二年秦公孫爰率師伐我圍皮氏翟
 章率師救皮氏圍疾西風十三年城皮氏者也漢
 河東太守潘舊本作番係穿渠引汾水以溉皮氏縣故
 渠尚存今無水

又西至汾陰縣北西注于河

水南有長阜背汾帶河阜長四五里廣二里餘高
 十丈汾水歷其陰西入河漢書謂之汾陰睢應劭
 曰睢丘類也漢武本紀云元鼎四年立后土祠于
 汾陰睢上蘇林云睢音誰如淳云睢





者河之東岸特堆掘長四五里廣二里餘高十餘丈汾陰縣治睢之上后土祠在縣西汾在睢之北汾陰男子公孫祥望氣寶物之精上見祥言之於武帝武帝於水獲寶鼎焉遷於甘泉宮改其年曰元鼎卽此處

澮水出河東絳縣東澮交東高山

澮水東出詳高山亦曰河南山又曰澮山西逕翼

城南按詩譜言晉穆侯遷都于絳翼舊本作冀孫宋本作暨

孝侯改絳爲翼翼爲晉之舊都也後獻公又北廣

其城方二里又命之爲絳故司馬遷史記年表稱

獻公九年始城絳都左傳莊公二十六年晉士蔿

城絳以深其宮是也其水又西南合黑水嶺水導

源東北黑水谷西南流逕翼城北右引北川水出

平川南流注之亂流西南入澮水澮水又西南與

諸水合謂之澮交竹書紀年曰莊伯十二年翼侯

焚曲沃之禾而還作爲文公也又有賀水東出近

川西南至澮交入澮又有高泉水出東南近川西

北趣澮交注澮又南紫谷水東出白馬山白馬川

遁甲開山圖曰絳山東距白馬山謂是山也西逕

榮庭城南而西出紫谷與乾河合卽教水之枝川

也史記白起傳稱涉河取韓安邑東至乾河是也

榮疑作陸

疑有脫誤

其水西與田川水合水出東谿西北至澮交入澮
又有女家水出于家谷竹書紀年曰莊伯以曲沃
叛伐翼公子萬救翼若當作叔軫追之至于家谷
有范壁水出于壁下竝西北流至翼廣城昔晉軍
北入翼廣以築之因即其姓以名之二水合而為
西北流至澮交入澮澮水又西南與絳水合俗謂
之白水也一無字非也水出絳山東至寒泉奮湧揚
波北注縣流奔壑十一許丈青崖若點黛素湍如
委練望之極為奇觀矣其水西北流注于澮應劭
曰絳水出絳縣西南蓋以故絳為言也史記稱智


伯率韓魏引水灌晉陽不沒者三版智氏曰吾始
不知水可以浸安邑平陽時韓居平陽魏居安邑魏桓子
肘韓康子韓康子履魏桓子肘足接於建上孫云
記肘足接而智氏以亡魯定公問一言可以喪邦
有諸孔子以為幾乎余觀智氏之譚矣汾水灌平
陽或亦有之絳水澆當作安邑平陽未識所由也

西過其縣南

春秋成公元年晉悼公謀去故絳欲居郇瑕魏獻
子曰土薄水淺不如新田有汾澮以流其惡遂居

平陽安邑俱
錯誤當以戰
國策為正通
鑑注引此及括
地志駁正解
氏疑絳水不
可灌平陽之
說頗詳

事在六年非
元晉景公非
悼韓獻子非




新田又謂之絳卽絳陽也蓋在絳澮之陽潁高帝六年封越騎將軍華無害爲侯國縣南對絳山面背二水古文瑣語曰晉平公與齊景公乘至于澮上見乘白驂八駟以來有犬狸身而狐尾隨平公之車公問師曠對首陽之神有犬狸身狐尾其名曰名曰一者飲酒得福則徼之蓋於是水之上也太平廣記引汲冢瑣語云晉平公至澮上見人乘白驂八駟以來有狸身而狐尾去其車而墮公之車公問師曠師曠曰狸身而狐尾其名曰首陽之神飲酒于霍太山而歸其逢君于澮乎君其有喜

又西南過虎祈宮南孫云虎祈左傳作虎祈宮在新田絳縣故城西四十里晉平公之所構也

時有石言於魏榆晉侯以問師曠曠曰石不能言或憑焉臣聞之作事不時怨讎動于民則有非言之物言也今宮室崇侈民力彫盡石言不亦宜乎叔向以爲子野之言君子矣其宮地背汾面澮西則兩川之交會也竹書紀年曰晉出公五年澮絕于梁卽是水也

又西至王橋注于汾水

晉智伯瑤攻趙襄子襄子奔保晉陽原過後至遇三人於此澤自帶以下不見持竹二節與原過曰爲我遺無郵原過受之於是澤所謂王澤也



涑水出河東聞喜縣東山黍葭谷

涑水所出俗謂之華谷至周陽與洮水合水源東
出清野山世人以為清襄山也其水東大嶺下西
流出謂之哈口又西合涑水鄭使子產問晉平公
疾平公曰卜云臺台為祟史官莫知敢問子產曰
高辛氏有二子長曰閼伯季曰實沈不能相容帝
遷閼伯于商丘遷實沈于大夏臺台實沈之後能
業其官帝用嘉之國汾川由是觀之臺台台左傳
汾洮之神也賈逵曰汾洮二水名司馬彪曰洮水
出聞喜縣故王莽以縣為洮亭也然則涑水殆亦


洮水之兼稱乎

又西過周陽邑南

其城南臨涑水北倚山原竹書紀年晉獻公二十
五年正月翟人伐晉周有白兔舞于市即是邑也
漢景帝以封田勝為侯國也涑水西逕董澤陂南
即古池東西四里南北三里春秋文公六年蒐于
董澤即斯澤也涑水又與景水合水出景山北谷
山海經曰景山南望鹽販之澤北望少澤其草多
諸萸秦椒其陰多楮其陽多玉郭景純曰鹽販之
澤即解縣鹽池也按經不言有水今有水焉西北

老傳作董柱元
欲注云河東
陰縣有董亭
宣子二年傳董
澤之蒲注云澤
名河東聞喜縣
東北有董池陂
刑文六年改蒐
于董者非董
澤也

水經注卷之六 卷之六 臣



流注于涑水也

又西南過其縣南

涑水又西逕仲邨鄔北又西逕桐鄉城北竹書紀

年曰翼侯伐曲沃大捷武公請城于翼至洞一作讀

庭當作乃返者也今竹書云武公請城于翼至洞而還漢書曰漢武

帝元鼎六年將幸緱氏至左邑桐鄉聞南越破以

為聞喜縣者也涑水又西與沙渠水合水出東南

近川西北流注于涑水涑水又西南逕左邑縣故

南城當作故城南故曲沃也晉武公自晉陽徙自當作此

秦改為左邑縣詩所謂從子于鵠者也春秋傳曰

下國有宗廟謂之國在絳曰下國矣即新城也王

莽之洮亭也涑水自城西注水流急濬輕津無緩

故詩人以為激揚之水言不能流移東薪耳水側

即狐突遇申生處也春秋傳曰秋狐突適下國遇

太子太子登僕使宋本作使登僕曰夷吾無禮吾請帝以


畀秦對曰神不歆非類君其圖之君曰諾請七日

見我於新城西偏及期而往見於此處故傳曰鬼

神所憑有時而信矣涑水又西逕王官城北在南

原上春秋左傳成公十三年四月晉侯使呂相絕

秦曰康猶不悛入我河曲伐我涑川俘我王官故



有河曲之戰是矣今世人猶謂其城曰王城也

又西南過安邑縣西

安邑禹都也禹娶塗山氏女思戀本國築臺以望

之今城南門臺基猶存余案禮天子諸侯臺門隅

阿相降而已未必一如書傳也故晉邑矣春秋時

魏絳自魏徙此前漢地志云魏絳自魏徙安邑至惠王徙大梁昔文侯縣

師經之琴於其門以為言戒也劉向說苑云師經鼓琴魏文侯起舞

日使我言而無見違師經援琴而撞文侯中旒灑

之文侯將烹經經曰堯舜唯恐言之而人不違桀

紂唯恐言而人違之臣撞桀紂非撞君也文侯令懸琴于城門以為寡人戒武侯二年

又城安邑蓋增廣之秦始皇使左更白起取安邑

置河東郡王莽改名洮陽縣曰河東也有項寧都

學道昇仙忽復還此河東號曰升仙王充論衡作項曼都號曰

仙漢世又有閔仲叔隱遁市邑罕有知者後以識

瞻而去皇甫謐高士傳云閔貢字仲叔太原人客居安邑老病家貧不能得肉日買豬肝一

片其令聞之物吏常給焉仲叔知而涑水又西南

逕監疑作鹽縣故城城南有鹽池水承鹽水

出東南薄山西北流逕巫咸山北地理志曰山在

安邑縣東海外西經曰巫咸在女丑北右手操青

蛇左手操赤蛇在登葆山羣巫所從上下也大荒

西經云大荒之中有靈山巫咸脫字一即巫盼巫彭

昭王非始皇也


皆以通鑑注

水經注

卷六

四

盼



巫姑巫貞巫孔巫抵巫謝巫羅

今山海經作巫咸巫卽巫勝巫彭巫

姑巫真坐禮巫抵巫謝巫羅

十巫從此升降百藥爰在郭景純

曰言羣巫上下靈山採藥往來也蓋神巫所遊故

山得其名矣谷曰

孫云谷曰嶺上有巫咸祠其水

又逕安邑故城南又西流注于鹽池地理志曰鹽

池在安邑西南許慎謂之鹽監長五十一里廣六

里周一百一十四里從鹽古聲

今許慎說文解鹽字云鹽鹽池也在

河東袤五十一里廣七里周百十六里從鹽省古聲呂宿曰沈沙煮海謂之

鹽河東鹽池謂之解鹽今池水東西七十里南北

十七里紫色澄渟渾而不流水出石鹽自然印成

朝取夕復終無減損唯水暴雨澍甘潦奔洑則鹽

池用耗故公私其竭水徑防其淫濫故謂之鹽水

亦為竭水也故山海經謂之鹽販之澤也澤南面

層山天巖雲秀池一作地谷泉深左右壁立間不容

軌當作謂之石門路出其中名之曰徑南通上陽


北暨鹽澤池西又有一池謂之女鹽澤東西二十

五里南北二十里在猗氏故城南春秋成公六年

晉謀去故絳大夫曰郇瑕地沃饒近鹽左傳作沃

服虔曰土平有漑曰沃鹽鹽也土人鄉俗引水裂

疑沃麻分灌川野畦水耗竭土自成鹽卽所謂職



有脫誤秦師
疑亦晉使然
秋之左傳則
狐毛亦從重
耳者也

齶也而味苦號曰鹽田鹽監之名始資是矣本司
鹽都尉治領兵一千餘人守之周穆王漢章帝並
幸安邑而觀鹽池故杜預曰猗氏有鹽池後罷尉
司分猗氏安邑置縣以守之
又南過解縣東又西南注于張陽池

涑水又西逕猗氏縣故城北春秋文公七年晉敗
秦于令狐至于刳首先蔑奔秦士會從之闕駟曰
令狐即猗氏也刳首在西三十里縣南對澤即猗
頓之故居也孔叢曰猗頓魯之窮士也耕田常饑
桑則常寒聞朱公富往而問術焉朱公告曰曰子


欲速富當畜五特

特當作特齊民要術曰五特者
牛馬豬羊驢五畜之特畜特則

速富之術也字
林云特牝牛也

於是乃適西河大畜牛羊于猗氏

之南十年之間其息不可計貲擬王公馳名天下
以興富於猗氏故曰猗頓也涑水又西逕郇城詩
云郇伯勞之蓋其故國也杜元凱春秋釋地云今
解縣西北有郇城服虔曰郇國在解縣東郇瑕氏
之墟也余按竹書紀年云晉惠公十有五年秦穆
公率師送公子重耳圍令狐桑泉曰衰皆降焉秦
師狐毛與先軫禦秦至于廬柳乃謂宋本無乃秦
穆公使公子繫來與師言退舍次于郇盟于軍京



相璠曰春秋土地名桑泉曰衰竝在解東南不
 解明不至解可知春秋之文與竹書不殊今解故
 城東北二十四里有故城在猗氏故城西北鄉俗
 名之為郇城考服虔之說又與俗符賢於杜氏單
 文孤證矣涑水又西南逕解縣故城南春秋晉惠
 公因秦返國許秦以河外五城王城當作五城左
傳云許贈秦以河
城外列內及解梁即斯城也涑川當作又西南逕瑕
 城晉大夫詹嘉之故邑也春秋僖公三十年秦晉
 圍鄭鄭伯使燭之武謂秦公曰晉許君焦瑕朝濟
 而夕設版者也京相璠曰今河東解縣西南五里

有故瑕城涑川一作水又西南逕張陽城東竹書紀

年齊師逐鄭太子齒奔城張陽今竹書南鄭者也

漢書之所謂東張矣高祖二年曹參假左丞相別

與韓信東攻魏將孫林遯軍東張大破之史記但

魏將軍孫遯軍蘇林曰屬河東即斯城也涑水又


西南屬于陂陂分為二城南面兩陂左右澤渚東

陂世謂之晉興澤東西二十五里南北八里南對

鹽道山其西則石壁千尋東則礧谿萬仞方嶺雲

迴奇峯霞舉孤標秀出罩絡羣山之表翠柏蔭峯


清泉灌頂郭景純云世所謂鶩漿也發于上而



于下矣厥頂方平有良藥神農本草曰地有固
 女疎銅芸紫苑之族也是以緇服思玄之士鹿裘
 念一之夫代往遊焉路出北巘勢多懸絕來去者
 咸援蘿騰峯疑作尋葛降深於東則連木乃陟百
 梯方降巖側縻鎖之跡仍今存焉故亦曰百梯山
 也水泉山北流五里而伏云潛通澤渚所未詳也
 西陂即張澤也西北去蒲坂一十五里東西二十
 里南北四五里冬夏積水亦時有盈耗也

文水出大陵縣西山文谷東到其縣屈南到平陶縣
 東北東入于汾

文水逕大陵縣故城西而南流有泌水注之縣西
 南山下武氏穿井給養井至幽深後一朝水溢平
 流東南注文水又南逕平陶縣之故城東西逕其
 城內南流出郭王莽更曰多穰也文水又南逕縣
 右會隱泉口水謁泉山之上頂謝朓中云出謁泉山之頂上俗
 云暘雨愆時是謁是禱故山得其名非所詳也其
 山石岸地險御覽引此作石崖絕險壁立天固崖平當作半有
 一石室去地可五十餘丈爰有層松飾巖列柏綺
 望唯西側一處得歷級升陟頂上平地一十許頃
 沙門釋僧光表建二刹泉發於兩寺之間東流



石汾注山下一作東津渠隱沒而不恒流故

隱泉之名矣雨澤豐澍則通入文水又南逕茲氏

縣故城東為文湖東西十五里南北三十里世

謂之西河在縣直東一十里湖之西側臨湖又有

一城謂之豬豬當作豬下同城水澤所聚謂之都亦曰豬

蓋即水以名城也文湖又東逕中陽縣故城東案

晉書地道記太康地記西河有中陽縣舊縣也文

水又東南流與勝水合水出西狐岐之山東逕六

壁城南魏朝舊置六壁於其下防離石諸胡因為

大鎮太和中罷鎮仍置西河郡焉勝水又東合陽

泉水出西山陽谿東逕六壁城北又東南流注于

勝水勝水又東逕中陽故城南又東合文水文水

又東南入于汾水也

原公水出茲氏縣西羊頭山東過其縣北

縣故秦置也漢高帝更封沂陽侯嬰為侯國王莽


之茲同也魏黃初二年西河恭王司馬子盛廟碑

文云西河舊處山林漢末擾攘百姓失所魏興更

開疆宇分割太原四縣以為邦邑其郡帶山側塞

矣王以咸寧四年改命爵土其年十二月喪國臣

太農閻崇雅石令宗羣等二百三十四人刊石



碑以述勳德碑北廟基尚存也

又東入于汾

水注文湖不至汾也

洞渦水出沾縣北山

其水西流與南谿水合水出南山西北流注洞渦

水又西北黑水西出山三合源舍同歸一川謝云宋本

一作合三源同歸一川無舍字東流南屈受陽縣故城東按晉太

康地記樂平郡有受陽縣盧諶征艱賦所謂歷受

陽而總轡者也其水西南入洞渦水又西蒲水南

出蒲谷北流注之于洞渦又西與原過水合逕

作北便水流也水西阜上有原過祠史記趙襄子南并知氏說

有代遂祠三神於百邑使原過主霍泰山祠蓋懷祀括地志云三神祠今名原過祠在霍山側

道協靈受書天使憂結宿情傳芳後日棟宇雖淪

攢木猶茂故層慈水取名焉其水南流注于洞渦

水也


西過榆次縣南又西到晉陽縣南

榆次縣故塗水鄉晉大夫智徐吾之邑也春秋昭

公八年晉侯築虎祁之宮有石言晉之魏榆服虔

曰魏晉也宋本作魏晉邑榆州里名也漢書曰榆次十三

州志以為塗陽縣矣王莽之太原亭也縣南側



有鑿臺韓魏殺智伯瑤於其下剝腹絕腸折頭

顯處也其水又西南流逕武觀城西北盧諶征艱

賦曰逕武館之故鄆問厥墮之遠近洞渦水又西

南為淳湖謂之洞渦津澤而涂水注之出陽邑東

北大嶮山涂谷西南逕蘿磬亭謝云一本南與蔣

谷水合水出縣東南蔣谿魏土地記曰晉陽城東

南一百一十里至山有蔣谷大道度軒車嶺通于

武鄉水自蔣谿西北流西逕箕城北春秋僖公三

十三年晉人敗狄于箕杜預釋地曰城在陽邑南

水北即陽邑縣故城也竹書紀年曰梁惠成王九

年與邯鄲榆次陽邑者也王莽之繁穰矣蔣谿又

西合涂水亂流西北入洞渦澤也

西入于汾出晉水下口者也

劉琨之為并州也劉淵引兵邀擊之合戰于洞渦

即是水也


晉水出晉陽縣西縣舊本作懸壅山孫云壅山海經作雍注云音雍

縣故唐國也春秋左傳稱唐叔未生其母邑姜夢

帝謂已曰余名而子曰虞將與之唐屬之參及生

名之曰虞呂氏春秋曰叔虞與成王居王援桐葉

為珪以授之曰吾以此封汝虞以告周公周公



曰天子封虞乎王曰余戲耳公曰天子無戲言
 唐滅乃封之於唐縣有晉水後改名為晉故子夏
 敘詩稱此晉也而謂之唐儉而用禮有堯之遺風
 也晉書地道記及十二州志並言晉水出龍山一
 宋本一下水結紉山在縣西北非也山海經曰縣
 有云字
 壅一作壅之山晉水出焉北山經云縣壅之山其上多玉其下多銅晉水出焉
 郭云今在晉陽縣西名曰汲壅今在縣之西南昔智伯之過晉以
 水宋本作水灌晉陽其川上源上源當後人踵其遺
 蹟蓄以為沼沼西際山枕水有唐叔虞祠水側有
 涼堂御覽作涼臺結飛梁於水上左右雜樹交陰希見

曦景至有淫朋密友羈遊宦子莫不尋梁矣焦鳳
 相娛慰於晉川之中最為勝處

又東過其縣南又東入于汾水


汾水舊本作湖分為二流北瀆即智氏故渠也昔在


戰國襄子保晉陽智氏防山以水之城不沒者三
 版與韓魏望歎於此故智氏用亡其瀆乘高東北

注入晉陽城以周圍溉漢末赤眉之難郡掾劉茂

真真舊本作負太守孫福謝云之於宋城門西下

空穴中其夜奔孟卽是處也東南出城流注于汾
 水也其南瀆於石塘之下伏流逕舊谿東南出





晉陽城南城在晉水之陽曰晉陽久經書晉荀
帥師敗狄於大鹵杜預曰大鹵晉陽縣也為晉之
舊都春秋定公十三年趙鞅以晉陽叛後乃為趙
矣其水又東南流入于汾

湛水出河內軹縣西北山

湛水出枳縣南源湛谿俗謂之湛水也是蓋聲盡
鄰故字讀俱變同于二豕之誤耳其水自谿之南
流

疑有誤字

東過其縣北又東過皮縣之北

湛水南逕向城東而南注

又東過母辟邑南

源經所注斯乃汨川

舊本作汨川

之所由非

關也是經之誤證耳湛水自向城東南逕湛

謂之湛城亦或謂之隰城矣谿曰隰澗隰城

不言此非矣後漢郡國志曰河陽縣有湛城是
也

又東南當平陰縣之東北南入于河

湛水又東南逕鄧南流注于河故河濟有鄧津之
名矣

經注箋卷第七

漢 桑欽撰

後魏酈道元注

明 李長庚訂

孫汝澄

朱謀埠箋

李克家全校

濟水一

濟水出河東垣縣東王屋山為沅水


山海經曰聯水出焉西北流注于秦澤郭景純云

聯沅聲相近即沅水也孫云秦澤當作秦澤按山

馬而西北流注于秦澤注云聯音輦史記潛行地

下至共山南復出于東丘今原城東北有東丘城

國家圖書館, NATIONAL CENTRAL LIBRARY, TAIWAN, R.O.C.



經注箋卷第七

漢 桑欽撰

後魏酈道元注

明 李長庚訂

孫汝澄

朱謀埠箋

李克家全校

濟水一

濟水出河東垣縣東王屋山為沅水


山海經曰聯水出焉西北流注于秦澤郭景純云

聯沅聲相近即沅水也孫云秦澤當作秦澤按山

馬而西北流注于秦澤注云聯音輦史記潛行地

下至共山南復出于東丘今原城東北有東丘城


國家圖書館, NATIONAL CENTRAL LIBRARY, TAIWAN, R.O.C.



孔安國曰泉源為沘流去為濟春秋說題辭曰濟齊也齊度也員一作貞也風俗通曰濟出常山房子縣贊皇山廟在東郡臨邑縣濟齊其度量也余按二濟同名也所出不同鄉源亦別斯乃應氏之非矣今濟水重源出溫城西北平地水有二源東源出原城東北昔晉文公伐原以信而原降即此城也俗以濟水重源所發因復謂之濟源城其水南逕其城東故縣之原鄉杜預曰沘水縣西北有原城右也是南流與西源合雨源出原城西東沘水注之水出西南東北流注于濟濟水又東逕原


西字


城南東合北水亂流東南注分為二水一水東南流俗謂之為沘水即沘水也沘沘聲相近傳呼失實也濟水又東南逕却城北而出於溫矣其一水枝津南流注于湨孫云湨音鴉水出原城西北原山勳掌谷俗謂之為白澗水南逕原城西春秋會于湨梁謂是水之墳梁也爾雅曰梁莫大于湨梁梁水堤也湨水又東南逕陽城東與南源合水出陽城南溪陽亦樊也一曰陽樊國語曰王以陽樊賜晉陽人不服文公圍之倉葛曰陽有夏商之嗣與樊仲之官守焉君而殘之無乃不可乎公乃出陽人



春秋樊氏叛惠王使虢公伐樊執仲皮歸于京師
 卽此城也其水東北流與漫流水合水出軹關南
 東北流又北注于漫謂之漫流口湨水又東合北
 水亂流東南左會濟水枝渠湨水又東逕鍾繇塢
 北世謂之鍾公壘又東南塗溝水注之水出軹縣
 西南山下北流東轉入軹縣故城中又屈而北流
 出軹郭漢文帝元年封薄昭爲侯國也又東北流
 注于湨湨水又東北逕波縣故城北漢高帝封公
 上不害爲侯國孫云波縣當作汲縣按史記年表
 高帝十一年封公上不害爲侯侯
 素隱曰汲縣
 名屬河內湨水又東南流天漿水澗水注之水

出軹南畢宋本作畢向城北在畢上俗謂之韓王城非
 也京相璠曰或云今河內軹西有地名向今無杜
 元凱春秋釋地亦言是矣蓋相襲之向故不得以
 地名而無城也闕駟十三州志曰軹縣南山西曲
 有故向城卽周向國也傳曰向姜不安于莒而歸
 者矣汲郡竹書紀年曰鄭侯使韓辰歸晉陽宋本
 陽下
有及向二月城陽向更名陽爲河雍向爲高平卽
 是城也其水有二源俱導各出一溪東北流合爲
 一川名曰天漿溪又東北逕一故城俗謂之治城
 亦曰治水又東流注于湨湨水又東南流右會同





水水出南源下東北流逕白騎塢南塢在原上為

二谿之會北帶深隍三面咀噉唯西被宋本築而

已東北流逕安國城西又東北注溲水溲水東南

逕安國城東又南逕無當作辟邑西世謂之無北

城謝云宋本亦曰馬驛城皆非也朝廷以居廢太

子謂之河陽庶人也溲水又南注於河也

又東至溫縣西北為濟水又東過其縣北

濟水於溫城西北與故瀆分南逕溫縣故城西周

畿內國司寇蘇忿生之邑也春秋僖公十年秋

宋本作滅溫溫子奔衛周襄王以賜晉文公濟水南歷

號公臺西皇覽曰溫城南有號公臺基趾尚存濟

水南流注于河郭緣生述征記曰濟河內溫縣注

于河蓋汭歷之實證非為謬說也濟水故瀆於溫

城西北東南出逕溫城北又東逕號公冢北皇覽

曰號公冢推謝云宋本溫縣郭東濟水南大冢是也

濟水當王莽之世川瀆枯竭其後水流逕通津渠

勢改尋梁脉水不與昔同

屈從縣東南流過墳城西又南當鞏縣北南入于河

濟水故瀆東南合奉溝水水上承朱溝於野王城

西東南逕陽鄉城北又東南流逕陽鄉城北又東

梁謂洪梁

南逕李城西秦攻趙邯鄲且降傅舍吏子李同說平原君勝分家財饗士得敢死者三千人李同與赴秦軍秦軍退李同死封其父為李侯故徐廣曰河內平臯縣有李城卽此城也於城西南為陂水淹地百許頃蕪葭萑葦生焉號曰李陂又逕墳城西屈而東北流逕其城北又東逕平臯城南應劭曰邢侯自襄國徙此當齊桓公時衛人伐邢邢遷于夷儀其地屬晉號曰邢丘以其在河之臯處勢平夷故曰平臯瓚注漢書云春秋狄人伐邢邢遷夷儀不至此今襄國西有夷儀城去襄國一百餘

里邢是丘名


舊本邢是丘名作平臯是邢丘

非國也余案春秋宣

公六年赤狄伐晉圍邢丘昔晉侯送女於楚送之邢丘卽是此處也非無城之言竹書紀年曰梁惠成王二年鄭城邢丘司馬彪後漢郡國志云縣有邢丘故邢國周公子所封矣漢高帝六年封碭郡長項伯為侯國賜姓劉氏武帝以為縣其水又南注于河也

與河合流又東過成臯縣北又東過滎陽縣北又東至北礫礫南東出過滎陽北

釋名曰濟濟也源出河北濟河而南也晉地道志



曰濟自大伾入河與河水鬪南決為滎澤尚書曰

滎波既豬孔安國曰滎波水以成豬鬪駟曰滎波

嶠孫云嶠音波澤名也故呂忱云嶠水在滎陽也也字衍

謂是水也昔大禹塞其淫水而於滎陽下引河東

南以通淮泗濟水分河東南流漢明帝之世司空

伏恭薦樂浪人王景字仲通好學多藝善能治水

顯宗詔與謁者王昊始作浚儀渠昊用景法水乃

不害此即景作所修故瀆也渠流東注浚儀故復

謂之浚儀渠也明帝永平十五年東巡至無鹽帝

嘉景功拜河隄謁者漢靈帝建寧四年於敖城西

北壘石為門以遏渠口謂之石門故世亦謂之石

門水門廣十餘丈西去河三里石銘云建寧四年

十一月黃場石也而主吏姓名磨滅不可復識王

二千一卷內引水經注云浚儀縣竹書紀年梁惠

成王三十一年三月為大溝於比鄆以行圃田之

水陳留風俗傳曰縣北有浚水像而儀之故曰浚

儀續述征記曰汴河到浚儀而分汴東注河南流

建寧四年於敖城西北壘石為門以遏渠口謂之

石門故世亦謂之石門水門廣十餘丈西去河三

里石銘云建寧四年十一月黃場石魏太和中又更修之撤故增新

石字淪落無復在者水北有石門亭戴延之所云

新築城周城三百步滎陽太守所鎮者也水南帶

三山即皇室山一作三皇山亦謂之為三室山也郡國志注

